



**DANKI NA E TREMENDO
COOPERACION CU UMC UTRECHT
HOH TA OPERA PA PROME BIAHA
UN ANEURISMA
DEN CEREBRO CU EXITO**



WWW.SOLODIPUEBLO.COM



SOLODIPUEBLO@GMAIL.COM

ENTRADA HUDICIAL NA CAS CONOCI NA TAMARIJN, UN PERSONA DETENI Y AUTO CONFISCA



DOS LEIDSTER DI CRECHE A WORDO PONI DEN LIBERTAD AYERA TARDI. UN A WORDO HIBA WARD A NOS COSTA

Huez a dicidi pa pone tur dos sospechoso cu tabata den detencion preventivo den e caso di e creche, den libertad condicional entrante awe 5'or di atardi. Ministerio Publico a dicidi pa bay den apelacion

contra e decision aki, despues di a studia decision di huez. Un di e sospechosonan a wordo entrega mes ora na Warda nos Costa.

MINISTER ENDY CROES LO APELA SENTENCIA DI CORTE CONTRA 24ORA



ABOGADO A BISA HOF CU KIER SCUCHA UN TESTIGO DEN CASO DI TRAFICACION DI 45 BARA DI ORO

NA SANTA CRUZ RECHERCHE A PARA UN AUTO SOSPECHOSO Y A DETENE 2 PERSONA PA DROGA Y ARMA





NoticiadiCorte

ABOGADO A BISA HOF CU KIER SCUCHA UN TESTIGO DEN CASO DI TRAFICACION DI 45 BARA DI ORO

Corte Superior a cuminsa cu tratamento di e apelacion di Ministerio Publico contra e sentencia di Corte cu a declara e hombernan Venezolano biba na Aruba, R.G.Z. y J.T.R. liber den e caso di baranan di oro.

SOLO DI PUEBLO por a compronde cu abogado a bisa Hof cu tin pensa di kier scucha un testigo den e caso di baranan di oro. E caso a keda pospone pa October 2023.

Ta asina cu R.Z. y J.R. a dicidi di viaha bay Curacao pa presenta dilanti Hof den Corte Superior. Ta asina cu e caso tabata pro forma y abogado mr. Sulvaran a anuncia cu lo kier bay scucha un testigo.

Durante tratamento di e caso den Promer Instancia, Fiscal ta considera transporte ilegal di 55 kilo di balanan di oro. Na opinion di Fiscal yena documentonan falso. Ta sospecha cu e oro ta procedente di fuente criminal y pesey ta considera labamento di placa.

Fiscal ta haya cu J.T.R. y G.R.Z. ta esnan cu a transporta baranan di oro den maletanan simpel. E oro ta bin for di Venezuela sin documento drechi. For Curacao ta manda Douane documentonan y ta aproba esaki. Tur cosa musta cu e oro ta procedente di Aruba. Esaki ta e parti falsifica. Douane di Aruba inconciente tabata coopera cu esaki. Na opinion di Fiscal aki por papia di

labamento di placa intencional. Fiscal, pa cu e castigo, a tenecuenta cu e tempo cu a transcuri. Ela exige pa G.R.Z. castigo igual na loke e tabata sera. Pa J.T.R., ela exige 12 luna di prison di cual 6 luna ta condicional cu un tempo di prueba di 2 aña. Tambe Fiscal a exige pa confiscar 45 baranan di oro.

SENTENCIA

Hues a bisa cu e ta rechaza defensa cu tabatin persecucion dirigi y un proceso in husto. Pa loke ta acusacion 2 falsificacion di documento, Hues ta haya cu e documentonan ta di Douane y no ta haya cu ta falsificacion. Tambe no ta haya proba cu lo kier a sconde cu e oro ta procedente di Venezuela cu e documentonan aki. Hues a bisa cu investigacion ta musta cu ta viabrocker e documentonan ta wordo manda pa Douane caminda ta para cu e oro ta procedente di Venezuela y ta wordo exporta pa otro pais. Na Aruba Zabay Douane pa tuma e documentonan caminda e oro tabata tey caba. Hues ta haya cu Douane a splica cu e y enamento di formulario ta corecto y esnan di Hulanda tambe ta yena mesuncos cu no por conclui cu esaki ta pa gaña y no bisa cu e oro ta procedente di Venezuela. E ta haya cu nan tabata bruhaya declara e dos sospechosonan liber di falsificacion di documento.

Pa loke ta labamento di placa. Esos sospechosonan ta para riba cu via Pa Oro International nan tabata transporta

e oro pa un destinacion. Hues ta haya cu esolo hechocue oro ta di Venezuela ta saca conclusion cu e ta procedente di delito. No tin prueba concreto cu e oro ta ilegal y mucho menos di delito. E forma con a transporta e baranan di oro, no por papia di sospecho di oro ilegal. Hues a declara e dos liber di acusacion di labamento di placa. Hues no a tuma decision riba e baranan di oro pasobra no tin indicacion di kende e ta.

HOF PRO FORMA

Ta asina cu tur dos sospechosonan a viaha pa Curacao pa ta na Hof. Abogado mr. Sulvaran tabata asisti nan. Via video conference a trata e pro forma. Traductor densala di Corte di Aruba tabata traduci pa nan. Di parti di Ministerio Publico na Aruba, tabata presente densala di Corte Procurador General y un Fiscal.

Hof a bisa cu e caso ta pro forma. Hof a splica cu e tardanza cu e caso ta debi na e situacion cu Corte di Husticia ta confrontando di scarcedad di Huesnan pa atende e cantidad di casonan. Hof a stipula cu ta pospone e caso pa 7 October 2024 pa 10'or di mainta. Abogado mr. Sulvaran a bisa Hof cu ta 6 aña y mey su clientenan ta bibando den incertidumbre. El a bisa Hof cu por ta cu lo tin un testigo di nan parti pero esaki lo notifica Hof na tempo.

MINISTER MADURO DI FINANSA TA E SIMAN AKI NA MERCA PA REUNI CU INVERSIONISTANAN RIBA MERCADO INTERNACIONAL DI CAPITAL

E siman aki Minister Maduro di Finansa ta na Merca pa asina por reuni cu inversionistanan riba e mercado di capital internacional cu ta deposita nan confiansa den Aruba. E mandatario lo bishita inversionistanan na 5 diferente ciudad den 5 dia di trabou.

Aruba tin como 25 aña activo riba e mercado internacional di capital pa asina por cubri e necesidad financiero di nos Pais. Debi na e pandemia Aruba tabata algun aña ausente. Mientrastanto nos Pais su economia a recupera grandemente y a haci reformanan necesario

cu a percura pa e credibilidad financiero di Aruba por a crece. E storia di recuperacion di Aruba ta uno impresionante y ta importante pa e inversionistanan haya sa di esaki.

Durante e reunionnan informacion ta wordo brinda di e recuperacion economico y financiero di Aruba, e maneho di debe, e reformanan cu ta tumando luga den cuadro di e Landspakket, e plan di Aruba pa atende cu retonan financiero di cambio climatico, informacion riba e inversionnan cu ta tuma luga y ta duna bista riba e rendimiento financiero di e companianan

estatal Aruba.

Minister Maduro di Finansa ta haci uzo di e oportunidad tambe pa gradici tur e inversionistanan internacional cu ta kere den Aruba y cu hasta tempo di pandemia a keda brinda Aruba nan confiansa. "Ta dlanan pisa di trabou, pero nos ta contento di por representa Aruba dignamente, contando e storia di e esfuerzo di nos hendenan pa percura pa Aruba por recupera e credibilidad financiero cu ta duna inversionistanan e confiansa cu nan inversion ta sigur na Aruba," ta palabranan di



Minister Maduro di Finansa cu ta resumi e necesidad y importancia di su biahe di trabou.

DEPARTAMENTO DI RECHERCHE SANTA CRUZ CU DETENCION NA TAMARIJN



Awe den oranan tempran departamento di recherche Santa Cruz a bay na un cas na Tamarijn pa un detencion y como tambe a haci un listramento na e parcela.

Na momento di e listramento den a cas y rond di a cas a bin encontra basta articulonan horta como tambe droga.

E articulonqn y droga a keda confisca como tambe un auto.

Na e accion a participa diferente departamenrto di Cuerpo Policial Aruba.



Cuerpo Policial ta sigi traha duro pa combati criminalidad y ta keda haci un apelacion na e pueblo di Aruba pa sigi yuda nos door di yama e Tiplijn di Polis cu ta 11141. Bo anonimidad ta keda garantis.



ENTRADA HUDICIAL NA CAS CONOCI NA TAMARIJN, UN PERSONA DETENI Y AUTO CONFISCA



Tanarijn - Diaranson den oranan trempan di mainta autoridad a drenta un cas conoci na Tamarijn.

Varios unidad di departamentonan policial a drenta y a efectua un detencion. Ta masha hopi biaha mes a drenta e cas aki y haci detencion. Polis sa con e cas aki ta tanto paden y pafo.

A bin haya masha hopi cos horta mes, den pasada nos por a mira aparatonan manera power tools y mucho mas cos. Un auto tambe a wordo tuma den beslag.



Polis a usa un pickup y tambe un aanhangwagen pa transporta tur locual a ser haya, pues asina hopi cos.

Tene cuenta cu si bo persona cumpra cos horta, esey tambe ta un acto castigabel.



Noticia di Corte

PG A EXIGI PA SUBI E CASTIGO DI 17 PA 19 AÑA DI PRISON PA WILLIAMS CU A TIRA EDDY RINCON BRAVO MATA -1

Awe mainta Corte Superior a trata e apelacion di Shannon Williams (23) contra su sentencia di 17 aña di prison.

SOLO DI PUEBLO por a compronde cu Procurador General (PG) ta haya cu intencional Williams a tira Eddy mata y a exigí pa subi e castigo di 17 pa 19 aña di prison.

Den sala di Corte tabata presente abogado mr. Emerencia y e mayornan di e victima.

ACUSADO TA BISA CU TA ACCIDENTAL E TIRO A SALI

Procurador General (PG) a presenta e acusacion contra W. cu riba 30 November 2022, el a tira mata Eddy Rincon Bravo (victima) ariba e caminda pa bay tanki di Savaneta. Tambe cu W. a horta e victima y tabatin un arma di candela. Ta asina cu W. a apela e sentencia y Hof a puntr'e pakico el a apela. El a bisa Hof cu el a haci malo pero no tabata su intension di mata. El a bisa cu loke a pasa tabata un accidente. Segun W. durante luchamento entre e y e victima, e arma a tira. Emociona, cu wowo yen awa. El a bisa Hof cu tur dia e ta pensa loke a pasa.

TIRA AMIGO MATA

Hof a bisa cu W. a bay entrega su mes un rato despues di e tiramento. Hof a puntr'e pakico a no a duna declaracion na Recherche. W. a bisa cu e tabata hopi nervioso y no a papia y kier a papia dilanti Hues. Hof a puntra con W. conoce e victima Eddy. El a bisa cu e conoce Eddy basta bon y su mama tabata trece serca W. pa hunga playstation. El a bisa cu nunca e tabatin problema cu Eddy. El a bisa cu e amigo K. cu su pareha A. a bay busca W. y despues Eddy, kende tabata cana cu kruk y un pia den verband. Segun W., e intension tabata pa nan bay cumpra un cantidad di marihuana for di

hende cu Eddy conoce.

Promer nan a bay na cas di un amigo di W., Celebro, kende debe W. 100 florin. W. a bisa Hof cu el a bay busca e placa pa despues bay cumpra e marihuana. W. a bisa cu na e cas, Eddy a pidi'e pa cumpra un paki di cocaine. Door cu W. conoce e vecindario, el a cana bay na un lugar caminda el a cumpra e paki di cocaine pa 50 florin y duna Eddy.

W. a bisa cu Eddy a usa e cocaine y despues a reclama W. cu e cocaine no ta sirbi y cu e ta paga solamente 10 florin. W. a bisa Eddy cu e mester di e 50 florin. Segun W., Eddy a bis'e pa nan bay tanki pa nan cumpra e droga y despues chil eynan usa droga. Hof a remarca cu esey no ta loke e homber K. y A. a bisa. Segun W., nan no tin nada di haci cu e caso y no sa kico e cu Eddy tabata papia.

Segun W., el a keda pleita cu Eddy pa e 50 florin pa e por cumpra su marihuana. Na caminda pa e tanki e discusion a sigui y na dado momento W. a rabia y a surgi luchamento patras den e auto. Segun W., Eddy a saca un arma riba dje y e ora ey W. a purba kita e arma for di dje. E arma a cay abao den banda di Eddy. Eddy a coy e arma bek. A surgi otro luchamento caminda Eddy tabatin man riba e loop y W. a gara e arma na e man. Na dado momento Eddy kier a bula for di e bentana di auto. Segun W., den e bulamento, e arma a tira y Eddy a resulta herida. W. a baha for di e auto y a bay purba yuda. Segun W., el a hala Eddy na banda di caminda y a purba carga Eddy, kende a bisa cu W. a tir'e y e no kier bay. E ora ey W. a subi den auto y K. y A. a bisa cu nan no ta hiba W. cas. Ariba caminda di brug di Tele

Aruba, W. a tira e kruknan y slof di Eddy afor. TESTIGONAN TA BISA CU ACUSADO A TIRA

Hof a bisa cu ta straño cu W. ta amigo di Eddy y e ta haci asina. W. a bisa Hof cu nada mester a sosode asina. Hof a mostra cu segun declaracion di K. y A., nan no a mira Eddy usa cocaina. A. no a mira Eddy cu arma. Ta ora Eddy a bula for di e bentana di auto, a tende tiro. Nan a mira W. baha for di auto y a pidi Eddy pa e placa. W. a desmenti cu e tabatin arma cun'e. Hof a mostra cu K. a bisa cu el a mira W. saca un revolver preto for di su tas. Segun W., K. no por a mira kico tabata pasando pasobra e tabata stuur e auto. Na opinion di W., e unico momento cu e por a mira W. cu e arma den man ta ora W. cu Eddy tabata luchando cu e arma. W. a bisa cu Eddy a cay pafor di e auto cu e arma y el a coy e arma benta den mondi. Hof a mostra cu K. a bisa cu W. tabata menaza Eddy cu e revolver y a dal'e cun'e na su cabez. Hof a bisa cu K. a declara cu W. a bay riba Eddy benta abao, listra den su saco di carson y coy placa bay cun'e. Segun W. e unico cos cu el a coy ta e arma benta banda di Eddy y bent'e den mondi. Segun W. esey pa evita cu Eddy por yega na e arma. W. ta haya cu K. ta gaña pa tira culpa riba W.

Hof a mostra cu tin un señora cu ta biba ey banda, a mira kico a sosode y a scucha W. bisa Eddy: "mi ta bay mata bo". W. a desmenti esaki. Hof a bisa cu e señora a bay serca Eddy y Eddy a bisa cu ta W. a tir'e y a bay cu 3 mil florin di dje. Hof a remarca cu K. a bisa cu a mira W. a busca den paña di Eddy y saca un stapel di placa y e señora a bisa cu Eddy a bisa cu W. a horta 3 mil florin.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Prome Minister Evelyn Wever-Croes:

GOBIERNO DI ARUBA TA CONDENA TUR TIPO DI ABUSO CONTRA NOS MUCHANAN

"Ta solamente uni, nos por logra pa nos yiunan ta protehi contra esnan di menos bon intencion"

D - Mirando e sucedidonan ultimo dlanan relaciona cu un creche specifico na unda a tuma luga abuso contra criaturanan indefenso, Prome Minister Evelyn Wever-Croes kier a bin dilanti pa expresa su disgusto y sentimiento pa cu e actonan baho asina, cometi contra esnan mas vulnerabel, cu ta nos muchanan. El a indica cu proteccion di nos muchanan semper tabata y ta un prioridad di gobierno y cu Gabinete Wever-Croes lo sigui traha na purba combati e tipo di abusonnan aki.

Desde inicio di gobernacion di Gabinete Wever-Croes gobierno a haci tur loke tabata na nan alcanse pa purba yuda na preveni e abuso contra nos muchanan.

- Gobierno a traha/cambia leyman y proceduraman pa percura pa haci e castigo pa cu e acto aki mas severo. Na 2020, gobierno a hisa e castigo na e maximo.
- A purba traha riba prevencion y educacion cu ta hopi importante pa yuda preveni. A bin cu ley di creche, ley di proteccion di mucha y hoben, ouderenplan.
- A pone mas atencion na e veld social

binando cu e Codigo di Proteccion, "Signs of Safety

- A firma MOU's pa cuida di victima
- A construi e Family Justice Center
- Na 2021 institui e departamento di mucha y hoben
- A institui FACT team Kind en Jeugd Sociaal Psychiatrische Dienst

Desde aña 2019, Bureau Sostenemi ta e punto central, e asina yama Advies y Meldpunt (AMK), pa raporta maltrato di mucha. Segun nan cifranan, pa aña tin alrededor di 400 caso di abuso contra nos muchanan, pero no tur ta trata di maltrato of abuso sexual pero si e dalmento di mucha ta pasa hopi na Aruba y ta wordo normalisa. E actonan aki no ta aceptabel ni pa gobierno ni pa comunidad en general, y p'esey lo sigui traha na enforsa e leyman di proteccion pa nos muchanan.

"Ta hopi importante pa mayornan cuminsa scucha y kere den nan yiunan. Na momento cu bo yiu bisabo cu nan no kier frecuente cierto luga y/of persona ta bon pa pone atencion y cuminsa averigua e motibo tras di e



comportacion aki. Proteccion di nos muchanan ta cuminsa na nos mes, na nos como mayor pa siña pone atencion na comportacion di nos yiunan, y mas importante cuminsa kere den nan. Gobierno por bin cu tur ley, pero si a nos mes no ta scucha nos criaturnanan, e problema ta bira mucho mas dificil pa combati. Ta solamente uni, nos por logra pa nos yiunan ta protehi contra esnan di menos bon intencion" Prome Minister a expresa.

Pa denuncia un caso di abuso di mucha of pa conseho por jama gratis: 588 1010 of email: sostenemi@aruba.gov.aw.



NoticiadiCorte HUES A RECHAZA DEMANDA DI MINISTER ENDY CROES PA RECTIFICACION CONTRA 24ORA Y HEADLINES GROUP

Hues di Corte den Promer Instancia awe a dicta sentencia den e caso sumario cu Minister Endy Croes a cuminsa contra 24ora y Headlines Group pa rectificacion.

SOLO DI PUEBLO por a compronde cu aunke cu Hues ta haya cu loke 24ora y Headlines Group a publica no ta corecto, e no ta inhusto pa cu Croes.

Hues a bay hopi detaya riba e sentencianan di e casonan di retiro di Croes for di Fundacion Lotto Pa Deporte (FLPD) y e procedura cu a

sigui den apelacion di Croes contra e raport di Ernst & Young (E&Y) cu FLPD a usa como motibo di retiro.

Hues den su evaluacion ta muestra riba partinan huridico den e procedura caminda den e raport E&Y ta menciona cu Croes y su ruman lo a enriquece cu placanan pero cu Corte Superior lo a cuestiona cu e informacion di E&Y no ta corecto.

Ainda tin un procedura andando entre Croes y E&Y y no tin un decision riba si Croes a enriquece su mes y famia. Hues ta haya cu loke a sali publica di 24ora y Headline Group no ta

inhusto. Hecho ta cu FLPD a retira Croes pa motibonan urgente. Te ainda no tin un decision di Corte riba e contenido no corecto di E&Y y pesey no por bisa nada riba esey. Ainda e caso entre Croes y E&y ta andando.

Hues ta muestra cu apesar cu e articulan di 24ora y Headlines Group huridamente no ta corecto, nan no ta inhusto. Hues ta haya cu e publicacion di e articulan ta base riba opinion di Corte cu a keda vigente. Hues ta haya cu e demanda di Croes mester wordo rechaza.

PG A EXIGI PA SUBI E CASTIGO DI 17 PA 19 AÑA DI PRISON PA WILLIAMS CU A TIRA EDDY RINCON BRAVO MATA -2

Continuacion di pag 4.

ACUSADO A PIDI MAYORNAN SORRY

Hof a bisa cu segun autopcia, door di e tiro, Eddy a muri di sangramento. W. a pidi e mama di Eddy sorry pa loke a pasa. El a bisa cu e ta lamenta cu e accidente a sosode.

Hof a mostra cu W. tin carchi di castigo cu el a wordo condena pa menaza hende y forza hende. Tambe tin declaracion di hendenan cu ta bisa cu ta W. a menaza y tira Eddy. Hof a puntra W. pakico el a bay laga Eddy atras siendo e sa cu Eddy ta herida. Segun W., e tabata spanta y door cu K. a bisa pa ban y el a bay. Hof a remarca cu W. por a bisa cu e ta keda serca su amigo Eddy tog? W. a bisa cu e no a pensa asina y a bay cas y entrega su mes na Polis. El a bisa cu nunca el a kere cu Eddy lo muri. W. a bisa cu Eddy a bis'e pa bay, bo a tira mi caba. Hof a remarca, pakico no a yama Ambulance. Hof a mostra cu e señora cu a mira tur cos a pasa, si a yama Ambulance.

MAYORNAN DI VICTIMA A PAPIA

Hof a permiti e mama y tata expresa nan mes, awor cu e ley a cambia. Hof a mostra cu Hues

a honra den e demanda di daño, e gastonan di entiero pero a rechaza e demanda pa tristeza. E mama a bisa cu el a bay hopi atras den salud door di e morto di su yiu homber. Awor door di tristeza y stress e mester cana cu tanki di oxigeno pasobra no por cana hopi. E tata a bisa cu el a haya tratamento pa spycologo y psichiater pa depresividad. El a cuminsa yora. E tata a bisa cu Eddy a declara na e señora y Polis cu su amigonan a tir'e y hort'e. E tata a bisa Hof cu nan intensión tabata pa hib'e tanki y mat'e y deshaci di dje.

EXIGENCIA DI PG

PG a bisa Hof cu tin declaracion di K. y A cu tabata den auto hunto cu W. y e victima Eddy. W. y Eddy tabata sinta patras. For declaracion di testigonan, por comprendecua surgi discusionentre W. y Eddy tocante placa. W. a saca revolver y dal Eddy cu esaki. Despues a scucha un tiro y Eddy abula for di bentana di auto. W. a sali for di e auto y bay listra densaco di Eddy y coy placa. Un testigo señora cu tabibaey banda a scucha tiro y a mira con W. tabata para y Eddy drumi. Despues cu nana core bay e señora abay na Eddy kende a bisa cu W. a tir'e y horta 3 mil florin di dje. PG ta haya cu ta un hechocu 30 November 2022 a tira mata Eddy.

PG ta kere cu W. a tira Eddy, ora Eddy kier a bula for di e bentana di e auto cu tabata coriendo. Tambe e testigo señora a scucha W. bisa Eddy cu mi ta bay mata bo. Na opinion di PG ta legalmente proba cu W. a tira mata Eddy y a horta e placa cu Eddy tabatin. E ta haya W. culpable di a mata y ladroncia cu violencia cu consecuencia morto.

PG a bisa Hof cu pa e demandanan, e ta exige pa aproba e tata su demanda di mas o menos 6 mil florin y daño inmaterial di 20 mil florin.

El a exige pa impone medida di pago y si W. no paga e lo mester bay 538 dia sera. Tambe PG a exige pa aproba daño pa e mama cu ta algo mas di 4 mil florin mas e daño inmaterial di 5 mil florin. PG a exige pa pone medida di pago y si W. no paga e lo mester bay 158 dia sera. PG a mostra cu Hues a condena W. na 17 aña di prison. Awor den Corte Superior, W. no ta tuma su responsabilidad. E ta culpa tur otro. PG exige pa subi e castigo di 17 pa 19 aña di prison. Hof a sera tratamento di e caso y a bisa 3 Juli 2024 merdia tin sentencia.

MINISTER ENDY CROES TA FELICITA ST. PAULUS SCHOOL CU INAUGURACION DI NAN SKINA DI ARTE

A presencia un bunita exposicion di e obranan traha pa e alumnonan.



: Diahuebs anochi, St. Paulus School a inaugura su Skina di Arte. Minister

Endy Croes acompaña pa su kerida esposa Dilailah Croes – Odor a presencia e

bunita galeria y exposicion di e obranan traha pa e alumnonan di klas 1 te klas 6 di e scol. Na yegada Minister Endy Croes a ricibi un caluroso bonbini door di cabesante di e scol Sr. Randy Arends. E mandatario di Enseñansa a bishita e Skina di Arte, unda cu Sra. Maroeschka Cornelie, kende ta duna les di arte na e muchanan di e scol a elabora di e bunita proyecto aki. A transforma un klas lokaal multifuncional den un lokaal special pa e muchanan ricibi les di arte den un ambiente ameno y adecua. Mester remarca cu St. Paulus School ta e unico scol basico cu ta duna les di



arte. Pa conclui, Minister Endy Croes ta gradici p'e invitacion, alabes ta felicita



e alumno- y docentenan cu un bunita exposicion di arte.

MINISTER ENDY CROES LO APELA SENTENCIA DI CORTE CONTRA 24ORA

Manera publica anteriormente, Corte di Prome Instancia di Aruba a trata 27 mei ultimo e caso sumario entama pa Endy Croes contra 24Ora unda cu Croes ta demanda rectificacion di ponencianan erroneo den publicacion haci pa 24Ora. Awe Corte a dicta sentencia.

Hues a indica cu periodistanan tin cu atene nan mes na un cierto grado di diligencia y pues mester trece y/of percura pa trece

noticia padilanti cu ta cuadra y cu ta confiabel como cu e publico mester por confia cu e periodista a haci su investigacion d e b i d a m e n t e . Consecuentemente e hues ta indica cu e ponencianan di 24Ora - esta cu 3 corte a dicta cu Croes hustamente a wordo retira pa motibo cu e lo a enrikece su mes y su famia cu placa di FLPD - no ta cuadra cu e realidad. Remarcabel ta e hecho cu hues no a aplica e grado di diligencia y norma nan di cautela cu ta aplicabel

riba periodistanan den su decision final. Den otro palabra, hues a haci como sifuera cu e norma nan aki no ta aplicabel riba e persona nan cu ta traha na 24Ora.

Pues asina mes cu e publicacion di 24Ora no ta contene informacion corecto e hues no ta haya cu e publicacion ta illicito pa motibo cu 24Ora no ta conta cu periodistanan cu tin educacion di ley y pues hues ta di opinion cu no por spera di un periodista sin conocimiento huridico



cu e por compronde sentencianan di hues debidamente. Pa e falta di conocimiento aki hues ta haya cu 24Ora mester wordo disculpa pa su publicacion cu informacion incorrecto y pues ta rechasa

e demanda pa rectificacion di Croes.

Solo di Pueblo a compronde for di Minister Endy Croes cu e lo apela e sentencia aki.

Minister Endy Croes:

A LANSA PLATAFORMA DIGITAL CENTER FOR TEACHING EXCELLENCE DI UNIVERSITY OF SOUTH CAROLINA PA E DOCENTENAN DI ARUBA SIGUI PROFESIONALISA NAN MES

: Dialuna ultimo, Minister di Enseñansa y Deporte Endy Croes a anuncia durante Conferencia di Prensa di Gobierno di Aruba lansamento di plataforma digital Center for Teaching Excellence di University of South Carolina pa e docentenan sigui profesionalisa nan mes. Desde aña pasa november, Minister Endy Croes a dialoga esaki cu University of South Carolina. Siman pasa, e staf y hefe di e universidad tabata na Aruba pa firma un contrato di extension cu Universidad di Aruba.

Cu e contrato nobo aki, e docentenan tambe ta haya acceso na e plataforma digital Center for Teaching Excellence. University

of South Carolina ta un universidad hopi grandi cu alrededor di 52 mil alumno y 4 mil docente cu ta hopi mas grandi cu locual nos tin na Aruba. University of South Carolina ta brinda e topiconan manera, Foundations of Online Teaching, Technology for Online Teaching and Learning, Mental Health and Well-being Competency, Teaching towards Inclusive Excellence y Teaching with AI den forma di curso y webinar. Esaki ta brinda nos docentenan di Aruba e oportunidad pa sigui profesionalisa nan mes den nan mesun tempo y estilo. E lesnan di Center for Teaching Excellence ta consisti di dos temporada: e periodo di primavera

(lente) cu a inicia caba y ta termina den e luna di juli y e periodo di herfst cu ta inicia e luna di juli y ta culmina den e luna di december. Unabes cu e docentenan finalisa e curso, nan lo ricibi un certificado. University of South Carolina ta kere firmamente cu cada miembro di facultad tin poder pa ta un excelente maestro.

Minister Endy Croes ta haci peticion na tur schoolbestuur pa manda informacion di e docentenan cu ta desea di sigui desaroya personal- y profesionalmente na Sra. Carol Swean di Departamento di Enseñansa cu ta trek e proyecto aki. Unabes



cu ricibi nomber, fam y e-mail di e docentenan, por duna acceso na e plataforma digital Center for Teaching Excellence cu ta disponibel riba e website di Departamento di Enseñansa.



MINISTER ENDY CROES TA FELICITA E ALUMNONAN DI MARIA COLLEGE PA NAN MAGNIFICO PRESENTACION PA E MATERIA DI CKV



: Diamars merdia, den Cas di Cultura a tuma luga e evaluacion final di e materia di e Culturele Kunstzinnige Vorming (CKV) Dag di Maria College pa e aña escolar 2023-2024. Manera ta custumber, Maria College Mavo ta haci esaki den forma di un show espectacular, unda cu cada klas a presenta nan producto final.

E aña aki e tema ta Ban Briya Hunto, unda cu e klas 1, 2 y 3 a pasa nan evaluacion pa CKV cu un bunita presentacion di arte, baile y teatro. E tema a inspira e alumnonan pa crea un presentacion unico, uzando nan talento y creatividad. Minister Endy Croes tabata presente pa presencia e bunita show aki. E mandatario di Enseñansa a hiba palabra e mainta aki, unda el a felicita e alumnonan cu e show espectacular y a conseha e studiantenan pa sigui studia y cu



estudio ta hopi importante pa nan futuro. Ademas di esaki, a felicita 2 docente, esta juffrouw Koffie cu a cumpli 25 aña y meneer Paesch cu a cumpli 30 aña den servicio y a gradici ambos pa nan amor y dedicacion pa educa nos hobennan.

Ambos famia tabata presente y sigur tabata un momento di hopi emocion. Pa conclui, Minister Endy Croes ta aplaudi e alumnonan di Maria College pa nan tremendo presentacion. Alabes, ta felicita e ekipo completo di Maria College pa e excelente trabou den ekipo cu a haci pa realisa e actividad aki.



HOMBER BURACHI BANDA DI CAMINDA A RESULTA CU TA AUTO A DAL E



Savaneta - Diamars anochi rond di 10'or ney polis di San Nicolas a bay Savaneta 187, pa un cabayero drumi canto di caminda. Manera por mira ariba e imagen nan, polis di

San Nicolas a yega cu e transportwagen y tur pa bay cu e homber supuestamente burachi.

Pero, ora cu a bay control'e miho a bin resulta cu e homber desconoci pa esnan bibando rond tawata herida y benta ariba acera.

Ambulance mesora a wordo notifica y tambe polis di trafico.

A bin resulta cu e homber lo a wordo gedal cu auto, pero e auto a bandona e sitio birando un caso di hit&run.

Na e sitio nos a combersa cu testigo/nan y nan



a bisa cu bo no tawata mira nada externo na e curpa esta golpi of sanger. Paramediconan mesora a rush cu e homber direccion Hospitaal.

Por a mira cu e Paramedico tawata basta bezig cu e victima momento cu tawata transportando e pa

Hospitaal.

Ta trata aparentemente di locual habitantenan por a mira cu e homber por ta un persona entre 30 pa 40 aña.

Polis di trafico tin e tarea awor pa investiga y trata na resolve e hit&run aki.

DEPARTAMENTO DI MUCHA Y HOBEN (DMH) TA INICIA SUPERVISION DEN CENTRO DI CUIDO DI MUCHA DEN FORMA STIMULANTE!



For di momento cu Departamento di Mucha y Hoben (DMH) a keda oficialmente institui na october 2022, e trabounan relaciona cu ehecucion di ley di centro di cuidu di mucha ta canando. Como un di e tareanan principal di DMH ta, ehecuta y supervisa ley di Centro di Cuido di Mucha y percura pa un bon calidad di cuidu di mucha na tur e centronan di cuidu di mucha na Aruba. Tur centro di cuidu di mucha mester ta registra oficialmente na DMH, y tur mayor tin acceso tambe pa wak si nan centro di cuidu di mucha ta registra via www.dmh.aw y bay na e tab di registracion nacional. Awe oficialmente DMH a sali den compania di Polis di Barrio, cu e supervision y control den e centronan di cuidu di mucha. Pakico Supervision den centro di cuidu di mucha?

DMH ta haci supervision y control den centro di cuidu di mucha pa garantisa un desaroyo completo y di siguridat y proteccion pa nos muchanan. P'esey un supervision apropia y profesional di e centronan di cuidu di mucha ta sumamente esencial. Tanto e doño (propietario) di e centro di cuidu di mucha y gobierno ta contribui hunto pa yega na un bon calidad di cuidu di e centronan di cuidu di mucha. Doño (propietario) di e centro di

cuidu di mucha ta responsabel pa cumpli cu e rekisitonan di calidad di cuidu di mucha, stipula den articulo 9 y 10 di e Ordenansa Nacional (AB. 2017 No. 38), cu ta indica cu mester duna cuidu di mucha na un manera responsabel y profesional. E supervision ta sosode den un forma sin previo aviso y mester haci minimo 1 supervision pa aña, manera cu e ley ta stipula. Sinembargo e maneho di keho ta duna espacio, pa supervision tuma lugar na momento cu ta necesario, specialmente pa garantisa siguridat di calidad di cuidu di nos muchanan.

Kico e Supervision ta encera?

DMH ta haci un supervision cu ta consisti di observa, monitoria, prueba, acumula y evalua e servicio brinda y con ta anda cu e muchanan cu ta bishita e centro di cuidu di mucha. Lo brinda un supervision estimulante, pa duna instruccion unda e centro di cuidu di mucha mester traha riba dje, p'e cumpli cu e exigencianan di regulacion. Pues ta enfoca riba si e centro di cuidu di mucha ta:

- brinda cuidu y guia na e muchanan na un manera responsabel y adecuado;
- contribui na e desaroyo optimal y saludabel di e muchanan;
- percura cu e cuidu di e mucha ta den un ambiente 'safe' (veilig) pa tur su muchanan;
- percura cu e centro di cuidu di mucha ta cumpli cu e exigencianan di e manual di regulacion.

Sticker pa identifica cumplimento DMH tin como meta final den futuro cercano, cu na momento cu un centro di cuidu di mucha ta cumpli cu e exigencianan di regulacion pa opera, e centro



di cuidu di mucha lo haya un sticker visibel pa tur mayor. Un version relevante di e rapportnan di supervision tambe lo ta disponibel, pa asina e mayornan

por informa nan mes debidamente tocante resultado di e supervision- y controlnan haci na e centronan di cuidu di mucha di nan escogo.

DISTRICT 35N

Florida – Bahamas – **ARUBA**

Bonaire – Curaçao

PRESENTS

LIONS 5K FUNRUNWALK 2024

LINK TO
REGISTER AND PAY
[HTTPS://5K.PRO.AW/](https://5k.pro.aw/)

ARUBA BANK ACCOUNT

Fundacion Aruba One Happy Island Lions Club

6005880190

Specification
2024 Lions FunRunWalk
& name of participant

HONORING OUR FOUNDING FATHER
MELVIN JONES

DATE	TIME	START & FINISH	FEE
SAT 15TH JUN	7:00 AM	EAGLE BOARDWALK COSTA LINDA PARKING SPACE	AWG 25

ALL AGES

GAMES * PRIZES * GOODY BAGS * PHOTO BOOTH

SUPPORT OUR GLOBAL CAUSES

Auto a dal den un baranca na Hooiberg



Diamars anochi a drenta informe di un accidente na Hooiberg. Mesora a dirigi

un patruya na e sitio. Na yegada di e patruya a bin compronde cu dama chauff-

feur di un KIA Picanto lo a perde control y bai dal den un baranca. E impacto ta-



bata fuerte cu a pone cu mester a pidi takelwagen pa mov'e. Afortunadamente ningun

persona a resulta herida. Polis a tuma datos di e accidente aki.

HOTLINE

SOLO Di Pueblo

744-0444

CAPT'E Y MAND'E

OLIVE TREE'S PRE-PAID FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

Maravillas de la Fe

Bo ta sufri di un malesa nan cu no no por cura ? Manera artrosis, Alzheimer, demencia, depresión, diabetes osteoporosis, párkinson, insomnio, dolor di barica, weso migren dolo di barica, dolo di wesu, lomba, ect? Bo ta bebe remedi i bo no ta cura? Bo ta victima di bruheria? comunica na MARAVILLAS DE LA FE na 748 56 71

Bo no tin suerte? bo placa no ta jega? Bo ta cumpra number i bo no ta gana? Bo ta bai casino i perde tur bo placa? Invidia, mala suerte? comunika na 748 56 71

Bo tin problema di amor? Bo pareha ta gaña bo? Fracaso, soledat, angustia. comunika na



Comunica na 748 56 71



748 56 71



Homber herida banda di caminda na Savaneta



Diamars anochi a drenta informe di cu lo tin un hende tira abao banda di caminda na Savaneta.

Mesora a dirigi un patruya na e sitio. Na yegada di e patruya a bin compronde cu no ta conoci kiko lo or a pasa pero e persona lo ta

bata herida.

Mesora a dirigi ambulans na e sitio.

Na yegada di e ambulans nan a atende cu e persona y a transport'e pa hospital. Polis tin e caso bao investigacion.

Polis a bai na Monserrat pa un problema



Diamars anochi a drenta informe di un maltrato na Monserrat.

Mesora a dirigi un patruya na e sitio.

Na yegada di e patruya a bin compronde cu no ta un maltrato pero un problema unda a discuti cu palabra. Polis a intermedia y a tuma datos di e susedido aki.

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554**

LEY CU TA LIMITA UZO
DI PRODUCTONAN DI
TABACO

**PROTEHANDO
SALUD
PUBLICO**

6 Ta prohibi pa bende of duna
productonan di tabaco na
personanan bou di 21 aña

SOLO De Pueblo

Honorabel Prome Minister Pisas



Nos ta skirbi pa felisita Sr Pisas i pueblo di Korsou na e okashon historiko di e aprobashon di Korsou komo un Miembro Asosia di Komunitat Karibense CARICOM. E logro signifikante aki ta marka un kapitulo nobo den Korsou su involvimento ku e region i ta destaca e isla su compromiso pa fomenta koperashon i integrashon regional mas fuerte.

Komo Miembro Asosia di CARICOM, Korsou lo benefisia di mayoria di oportunidadnan di kolaborashon den areanan manera komersio, seguridat, salu i edukashon. E logro aki ta un testament di e trabanonan duru i dedikashon di bo gobierno i e pueblo di Korsou pa alinja ku e obhetivonan i prinsipionan di CARICOM. E tambe ta refleha Korsou su influencia

kresiendo i liderazgo den region di Karibe.

Nos ta kontentu di komparti ku nos organisashon, Bonaire Human Rights Organization, na 2023, a logra Miembro Asosia di CARICOM di e Komishon di Reparashon di CARICOM. Nos ta enkanta ku CARICOM a asepta Korsou den su seno, ya ku nos ta kere firmemente ku Korsou su partisipashon grandemente lo enrikese e esfuersonan kolektivo direkshon di hustisia i reparashon entre otro inisiativanan krusial. Nos ta konfia ku e miembresia di Korsou no solamente lo kontribui na e desaroyo i prosperidat di Korsou pero tambe lo fortalese e lasonan di unidat i solidaridat entre e estadonan miembro di CARICOM. E obhetivonan komparti i esfuersonan kolektivo di e komunitat

sin duda lo kondusi na un futuro mas briante pa tur.

Un bes mas, pabien ku e logro bon meresi. Nos deseonan pa eksito kontinu den Sr Pisas su liderazgo i ta mira padilanti pa ta testigo di e impakto positivo di Korsou su partisipashon den CARICOM.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500



NA SANTA CRUZ RECHERCHE A PARA UN AUTO SOSPECHOSO Y A DETENE 2 PERSONA PA DROGA Y ARMA



Diamars atardi recherchenan di Santa Cruz a para un auto sospechoso pazuid di Taco Bell na

Santa Cruz pa un control. Haciendo e control den e auto a bin haya droga y un arma di candela.

Eynan mes a detene e 2 personanan den e auto y a confisca e vehiculo tambe.



Polis a detene homber cu hopi placa cu lo a bai cu telefon di turista



Diamars anochi a drenta informe di un ladroncia di telefon di turista a den area di highrise hotel. Aki a duna un discipcion di e auto cu lo a bai cu e telefon. Polis a topa cu e auto y a logra par'e banda di e pompsta-

tion na Palm Beach. Aki a check den e auto y a encontra e telefon scondi bao di un mat. E chauffeur lo a splica cu haya e a haya e telefon. Polis a bis'e cu si haya e a hay'e e lo no mes-ter a sconde bao di e mat.



Tambe polis a nota cu e lo tabata tin basta placa cu ne. Polis a detene e chauffeur y a transporte pa Warda di Polis.



Clasificados

SOLODIPUEBLO@GMAIL.COM
CEL. 585 9500

SOLO *Di Pueblo*



HOROSCOPO

13 JUNI 2024

Feliz y productivo diahuebs. Awe Solo di Pueblo ta presenta bo horoscopo pa dia 13 di juni 2024.

Aries
No laga cu melancolia haci doño di bo. Bon bista economico, bo ta atraves un momento stabiel. Nan lo confia bo algo na trabao pa mira si bo ta di confia. Bo tin bo defensa den lo minimo, bay dokter. Number di suerte: 28, 36, 4.

Tauro
Si bo tin problema familiar no keda sin papia di nan. Pronto lo bo keda for di rood. Lo bay ta dificil supera e ambiente laboral tenso. Bo gran vitalidad lo duna bo euforia. Number di suerte: 25, 56, 6.

Geminis
E posibel conkistanan lo cay cu enorme facilidad. Medita bon loke bo ta haci cu bo placa, actua cu prudencia. Bo tin hopi recurso pa soluciona e temanan laboral. Bo lo tin dolor muscular sin importancia. Number di suerte: 97, 17, 1.

Cancer
E astronan lo aporta un clima agradabel na bo relacion di pareha. Lo yega un cantidad di placa cu bo a lubida di cobra. Pronto e etapa di monotonía laboral lo caba. No abusa di bo bon estado fisico y percura pa descansa. Number di suerte: 52, 49, 6.

Leo
Cos ta un poco agita sentimentalmente. Conclui e asuntonan economico cu bo tin pendiente. E habilidadnan di mando ey ta teni na cuenta pa bo hefenan. Posibel caida di cabey, consulta cu bo dokter. Number di suerte: 88, 71, 7.

Virgo
Si bo kier salba bo relacion di pareha, renob'e. Diverti sin gasta tanto placa. Lo bo yega na acuerdo beneficoso cu bo compañeronan. Lo sinta bo bon cana, ya cu e ta calma bo mente y e nervionan. Number di suerte: 66, 42, 6.

Libra
Organisa un cena romantico, nunca ta di mas. Den

lo economico, lo bo tin hopi suerte, no lag'e pasa. Bo lo drenta den un periodo di hopi actividad laboral. Flexibel y cu energia suficiente pa haci loke bo kier. Number di suerte: 49, 15, 8.

Scorpio
Scucha cu bo pareha cu bo curason y cos lo bay ta miho. Den bo mannan t'e clave pa mehora bo economia. Bo creatividad lo bay facilita bo trabao bastante. Cuidao cu tosamento y verkoud. Number di suerte: 19, 72, 9.

Sagitario
Bo pareha lo haci tur cos posibel pa mantene bo band'i dje. Den e aspecto economico lo bo mester ta mas realista. E relacion cu bo compañeronan di profesion lo mehora. Bo sistema nervioso ta un poco altera, descansa mas. Number di suerte: 18, 11, 3.

Capricornio
Cu bo pareha, bo ta kere mira e cosnan cu solamente ta den bo imaginacion. Bo lo ricibi cierto suma di placa procedente di famia.

Progreso y renobacon den asunto profesional. No preocupa pa bo salud, e ta estupendo. Number di suerte: 82, 88, 3.

Acuario
Bo empeño pa duna otro lo ta hopi placentero. Bon momento economico debi n'e cobramentonan pendiente. Brake un poco bo ambicionnan laboral. Ta duna

bo flohera door di djis bay gym, anima algun amigo. Number di suerte: 92, 12, 3.

Piscis
Mantene bo mes na margen di discusion familiar. Den e cuestion di placa, bo mester ta mas practico. Haci cu bo derechonan bal na trabao. Debi n'e tensionnan acumula, lo bo tin insomnio. Number di suerte: 72, 15, 6.

Clasificados



SOLODIPUEBLO@GMAIL.COM
CEL. 585 9500



Sudoku

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		



PAROKIA INMACULADA CONCEPCION
COFRADIA PAN DI SAN ANTONIO

Ta extende un cordial invitashon na tur parokianonan y henter Aruba pa un Celebrashon Eucaristico solem na honor di San Antonio di Padua.

Dia 13 Juni 2024

6 P.M. Orashon na honor di San Antonio.

6:45 P.M. Procehon den misa.

7 P.M. Misa Solem.



Danki na e tremendo cooperacion cu UMC Utrecht
**H0H ta opera pa prome biaha un aneurisma
den cerebro cu exito**



Recientemente den sala di operacion na Horacio Oduber Hospital (HOH) a eherce un operacion di un aneurisma den cerebro di un pashent. Un operacion cu nunca antes a wordo ehecuta na Aruba, y esaki a logra danki na e cooperacion cu HOH tin cu e departamento di neurocirugia di UMC Urecht. E diagnos-

tico a ser haci pa HOH su neurologo, dr. Ivonne van Sijtveld hunto cu e team di profesional na HOH. Y e neurociruhano vascular Prof. Bart van der Zwan di UMC Utrecht a ehecuta e operacion aki hunto cu e team di profesional di sala di operacion. E operacion aki ta demostra cu HOH ta conta cu profesionalnan

bon prepara y capas pa
brinda e tipo di cuidu asi-
na, pero tambe cu ta conta
cu e materialnan necesario
pa por eherce un operacion
specialisa.

E diagnóstico
 “E pashent aki a yega Departamento de emergencia na e momento corecto. El a presenta na hospital cu hopi dolor di cabes y nausea. E nivel di ta consciente di e pashent tabata basta bon. Mirando e caracteristicanan di e pashent a opta pa haci un e asina yama test CT Angiografia cu ta un di e miho testnan pa por haya un diagnóstico den e caso aki. A traspassa e pashent pa departamento di cuidu intensivo (ICU) y ora a haya resultado di e testnan haci aki a constata cu e pashent tabatin un asina yama “broken aneurysm,” dr. Sitjveld ta conta.



Na Aruba ainda nunca a yega di efectua e tipo di operacion aki, pero si HOH tabatin tur e aparatonan y material necesario pa por a opera e pashent. Un operacion bastante complica y a logra ehecuta esaki cu exito. Despues di operacion, ainda tin e proceso di recuperacion y awe algun siman despues por menciona cu e pashent a regresa su cas y ta den bon salud.









E cooperacion



“Esaki ta demostra un besmas cu trabou den ekipo ta hiba na exito y e cooperacion cu HOH tin cu UMC Utrecht y e departamento di Neurocirugia ta di sumo importancia paso e ta yuda na eleva calidad di cuidu y conocimiento di nos profesionalnan. Si no tabata pa e colaboracion aki, e chens cu a pashent aki lo por a fayece ta hopi grandi”, asina Jacco Vroegop, Director di HOH, a expresa vena di gratitud.


Paardenbaaistraat 10, Oranjestad, Aruba Tel.: (297) 525 - 7555


www.lottoaruba.com



Resultado : Sorteo 12 Juni 2024 Merdia


Sorteo # 4294
9846
7144
1334

FP

Sorteo # 4294
1686

X2

Sorteo # 2350
1044

Sorteo # 4294
4428
Aries

Sorteo # 1168
293

X2

	
Sorteo #	Joker Letter
0 x Jackpot	Proximo Jackpot
0 x Match 4+	700.000,-
0 x Match 4	
0 x Afl. 12,00	
	
Sorteo #	Proximo Jackpot
0 x Jackpot	65.000,-
0 x Match 4	
0 x Afl 8,00	

	
Sorteo #	Mega Ball
0 x Jackpot	Proximo Jackpot
0 x match 4	270.000,-
0 x Afl. 500,00	
0 x Afl 50,00	
0 x Afl.15,00	

	Afl. 370.000,-
-------------------------------------------------------------------------------------	----------------

	
Sorteo #	

Un aneurisma hopi biaha ta difícil pa detecta y pues dr. Sijtveld ta hopi contento con tur cos a cana pa cu e caso aki y e tremendo cooperacion entre tur profesional na HOH pa a logra yegana e deteccion y sigui pa e operacion.

E operacion
Prof. Bart van der Zwan,
neurociruhano vascular di
UMC Utrecht a indica cu na
HOH por nota cu tin hopi
hende yena cu entusiasmo
y profesionalismo. Esaki
sigur tabata e caso na mo-
mento cu mester a opera un
pashent cu a diagnostica
un aneurisma den su cere-
bro. Un pashent cu tabata
luchando pa su bida y nos
a logra salb'e. "A enfoca pa
haci e operacion aki di in-
mediato pasobra e pashent
tabata birando pio," tabata
palabra di Prof. Bart van
der Zwan.

Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado : Sorteo 11 Jun 2024 Anochi

Sorteo # 8265
2492
3983
0270
X2
Sorteo # 7309
8265
X2
Sorteo # 2014
5844
Sorteo # 6068
6198
Cancer
Sorteo # 998
234
X2

Sorteo #	Joker Letter
0 x Jackpot	Proximo Jackpot
0 x Match 4+	700.000,-
0 x Match 4	
0 x Afl. 12,00	
	08-12-21-26-30
Sorteo # 6499	Proximo Jackpot
0 x Jackpot	65.000,-
6 x Match 4	
153 x Afl 8,00	

	06-18-23-30
Sorteo # 1670	Mega Ball 03
0 x Jackpot	Proximo Jackpot
0 x match 4	270.000,-
5 x Afl. 500,00	
42 x Afl 50,00	
59 x Afl.15,00	

	Afl. 370.000,-
--	-----------------------

Sorteo #	



BO PERSONALIDAD POR PROTEGE OF AFECTA BO CELEBRO



Cierto caracterista di personalidad por ta un factor clave pa persona desaroya un deterioracion cognitivo leve den transcurso di nan bida, segun un estudio nobo a revela.

Ta mas consciente y extrovert ta mantene e deterioracion cognitivo leve durante mas tempo, mientras cu teniendo nivel mas halto di neuroticismo (inestabilidad emocional) ta aumenta e posibilidad di un deterioro cognitivo, segun un estudio publica dialuna den e revista *Journal of Personality and Social Psychology*.

“E caracteristicanan di personalidad ta refleha patronchi relativamente duradero di pensamiento y comportacion, cu lo por afecta e participacion den conducta y patronchi di pensamiento saludabel y no saludabel den forma acumulativo den transcurso di bida”, e autor principal, Tomiko Yoneda, a splica.

“Acumulacion di experiencia den transcurso di bida por contribui na sensibilidad di enfermedad of trastorno determina, manera deterioracion cognitivo leve, of contribui na diferencia individual den e

capacidad di soporta cambio neurologico relaciona cu edad”, el a bisa.

Aunke e asociacion ta observa den practica clinico, ta dificil pa sa cua “ta e webo of e galiña”, Dr. Richard Isaacson, a bisa.

“Algun caracteristica specifico por aumenta e riesgo debi na un bida di comportacion cu ta pre-dispone un persona pa desaroya un deterioro cognitivo of e enfermedad di Alzheimer, of lo por tin un rol biologico mas directo relaciona cu e patologia trempan di e enfermedad”, Isaacson, kende no a participa den e estudio, a bisa.

“Neuroticismo ta especificamente un caracteristica cu ta bin na mente y e meta-analisis anterior tambe a demostra esaki. Patronchi di pensamiento negativo constante y preocupacion ta relaciona cu volumen cerebral mas chikito”, el a bisa den un e-mail. “No ta conoci si stress/neuro inflamacion ta locual ta impulsa esaki. No ta existi un marcado biologico pa esaki, pues ta dificil pa proba esaki.”



Caracteristica clave di personalidad

E estudio a analisa e personalidadnan di casi 2.000 persona cu tabata participa den e Proyecto Rush di Memoria y ‘Embehecimento’, un estudio di adulto mayor di e area di Chicago cu a cuminsa na 1997. Esaki a examina e rol di tres caracteristica clave di personalidad – conscientisacion, extroversion y neuroticismo – di con e personanan tabata lidia cu deterioracion cognitivo den edad avansa.

Neuroticismo ta un caracteristica di personalidad cu ta afecta e forma den cua un persona ta enfrenta stress. Persona neurotico ta enfrenta bida den un estado di ansiedad, rabia y timidez y hopi biaha nan sa wak frustracion menor como algo menasante.

Persona conscientisa tin nivel halto di auto-disciplina y ta organisa y dirigi riba obhetivo, Yoneda a bisa, mientras cu e personanan extrovert ta entusiasma cu bida y hopi biaha afirmativo y extrovert.

Persona cu un score halto den ta consciente of un score abou den neuroticismo tabata significante mente menos inclina pa desaroya un deterioracion cognitivo leve durante e transcurso di e estudio, Yoneda a bisa.

Cada seis punto adicional cu un persona tabata obtene riba e escala di ta consciente tabata “asocial cu

22% menos di riesgo di pasa di un funcionamiento cognitivo normal pa un deterioracion cognitivo leve”, Yoneda a bisa.

Esaki lo por traduci den cu un persona di 80 aña di edad cu un grado halto di ta consciente biba dos aña mas sin problema cognitivo, den comparacion cu esunnan cu a obtene un score abou den consenshi, segun e estudio.

Segun e estudio, ta mas extrovert y comprometi socialmente ta parce di ofrece un aña mas di bida sin demencia. Tambe esaki ta aumenta e capacidad pa recupera e funcion cognitivo normal despues di ricibi un diagnostico anterior di deterioracion cognitivo leve, kisas debi n’e beneficianan di socialisacion.

Sinembargo, mientras nivel di neuroticismo tabata aumenta, e riesgo di transicion pa deterioracion cognitivo tambe tabata aumenta: Cada shete punto adicional riba e escala “tabata asocial cu 12% mas di riesgo”, Yoneda a bisa, locual lo por traduci den e perdida di por lo menos un aña di cognicion saludabel.

Estudio aki no ta prome cu ta muestra un conexion entre personalidad y funcion cerebral. Investigacion anterior a demostra cu e personanan mas habri pa experiencia, mas consciente y menos neurotico ta obtene miho resultado cognitivo den test y ta experiencia un deterioracion cognitivo menor cu tempo.